

# Proklamasyon ng Gobernador para sa Sakuna

SAPAGKAT, nakapagtala ang mga lugar ng St. Clair County at Washington County ng mahigit 10 pulgada ng ulan noong Lunes Hulyo 25, 2022, hanggang Miyerkules, Hulyo 27, 2022, na nagdulot ng panaka-nakang biglaang pagbaha; at

SAPAGKAT, nagsara ang ilang kalsada at nagkaroon ng mga lokalisdong paglikas dahil sa biglaang pagbaha sa St. Clair County; at,

SAPAGKAT, pagkatapos ng labis na pag-ulan, nasira ang sekondaryong dam sa Nashville Reservoir sa Washington County na nagdulot ng pagbaha sa maraming tahanan at pagsasara ng State Route 15; at,

SAPAGKAT, noong Hulyo 29, 2022, nagpatuloy ang pagbaha sa East St. Louis (St. Clair County) at kinailangang isagawa ang mga hakbang sa kaligtasan, kabilang ang paglikas ng humigit-kumulang 100 residente; at,

SAPAGKAT, itinatayo na ang mga masisilungan ng mga lumikas na residente; at,

SAPAGKAT, ang East St. Louis, St. Clair County, Washington County at ang kanilang mga residente ay patuloy na nahihirapang ayusin ang mga pinsala at makabangon mula sa mga insidente ng biglaang pagbaha; at,

SAPAGKAT, batay sa mga ulat na natanggap ng Illinois Emergency Management Agency, nagamit na ang lahat ng lokal na rekurso at kakayahan at kinakailangan ang rekurso ng Estado para matugunan at makabangon mula sa mga epekto ng biglaang pagbaha; at

SAPAGKAT, ang mga pangyayaring kaugnay sa pagbaha ay nagresulta sa paglitaw o banta ng malawakan o matinding pagkasira, pinsala, o pagkawala ng buhay o ari-arian sa ilalim ng Seksiyon 4 ng Illinois Emergency Management Agency Act; at,

SAPAGKAT, patakaran ng Estado ng Illinois na magiging handa ang Estado sa pagtugon sa anumang mga sakuna at, samakatuwid, kinakailangan at angkop na magbahagi ng mga karagdagang rekurso ng Estado para matiyak na manatiling ligtas at panatag ang mga mamamayan ng Illinois; at,

SAPAGKAT, may legal na batayan ang mga kondisyong ito sa ilalim ng Seksiyon 7 ng Illinois Emergency Management Agency Act para sa pagpapalabas ng isang proklamasyon ng sakuna; at

SAPAGKAT, nakasaad sa Konstitusyon ng Illinois, sa Artikulo V, Seksiyon 8 na "taglay ng Gobernador ang pinakamataas na kapangyarihang tagapagpaganap, at pananagutan niya ang tapat na pagpapatupad ng mga batas," at ipinahahayag, sa Preamble, na isang pangunahing layunin ng Konstitusyon ng Illinois ang "paglaan para sa kalusugan, kaligtasan, at kapakanan ng mga tao";

DAHIL DITO, sa interes na matulungan ang mga mamamayan ng Illinois at ang mga lokal na pamahalaan na responsable sa pagtiyak ng pampublikong kalusugan at kaligtasan, ako, si JB Pritzker, Gobernador ng Estado ng Illinois, ay ipinahahayag ang sumusunod:

**Seksiyon 1.** Alinsunod sa mga probisyon ng Seksiyon 7 ng Illinois Emergency Management Agency Act, 20 ILCS 3305/7, pinatutunayan kong may sakuna sa Estado ng Illinois at partikular na idinedeklara ang St. Clair County at Washington County bilang mga lugar ng sakuna. Pinahihintulutan ng proklamasyon ang paggamit ng lahat ng kapangyarihang pang-emerhensiya alinsunod sa Seksiyon 7 ng Illinois Emergency Management Agency Act, 20 ILCS 3305/7, kabilang ngunit hindi limitado sa mga partikular na kapangyarihang pang-emerhensiyang nakasaad sa ibaba.

**Seksiyon 2.** Inaatasan ang Illinois Emergency Management Agency na ipatupad ang State Emergency Operations Plan para maisaayos ang mga rekurso ng Estado para matulungan ang mga lokal na pamahalaan sa mga operasyon sa pagtugon at pagbangon mula sa sakuna.

Seksiyon 3. Para makatulong sa mga pagbili ng mga kinakailangan sa pagtugon sa emerhensiya at iba pang kapangyarihang pang-emerhensiya sa ilalim ng Illinois Emergency Management Agency Act, ang mga probisyon ng Illinois Procurement Code na sa anumang paraan ay pipigil, hahadlang o mag-aantala sa kinakailangang aksyon sa pagharap sa sakuna ay sinususpende hanggang hindi ito hinihingi ng pederal na batas. Kung kinakailangan, at alinsunod sa Seksiyon 7(1) ng Illinois Emergency Management Agency Act, 20 ILCS 3305/7(1), ang Gobernador ay maaaring magsagawa ng angkop na ehekutibong aksyon na nagsususpende sa mga karagdagang batas, kautusan, tuntunin, at regulasyon.

**Seksiyon 4.** Alinsunod sa Seksiyon 7(3) ng Illinois Emergency Management Agency Act, 20 ILCS 3305/7(3), pinagagana ng proklamasyong ito ang awtoridad ng Gobernador, kung kinakailangan, na ilipat ang direksyon, tauhan o tungkulin ng mga departamento at ahensiya ng Estado o mga yunit nito para maisagawa o mapadali ang mga programa sa pagtugon sa emerhensiya.

**Seksiyon 5.** Ang lahat ng ahensiya ng Estado ay inaatasang makipagtulungan sa Gobernador, ibang mga ahensiya ng Estado at lokal na awtoridad sa pagbuo at pagpapatupad ng mga estratehiya at plano para sa pagtugon at pagbangon mula sa mga epekto ng kasalukuyang sakuna.

**Seksiyon 6.** Mapapabilis ng proklamasyong ito ang kahilingan sa Pederal na tulong pangsakuna kung ipapahiwatig sa kompleto at komprehensibong pagtatasa ng pinsala na hindi kakayanin ng Estado at mga apektadong lokal na pamahalaan ang epektibong pagbangon.

**Seksiyon 7.** Ang proklamasyong ito ay kaagad na ipatutupad at mananatiling may bisa sa loob ng

**Bilang Patunay sa Lahat ng Ito, lumalagda**  
*ako at itinatatak ho ang Dakilang Selyo ng Estado ng Illinois.*

*Isinagawa sa Kapitolyo sa Lungsod ng  
Springfield, sa ika-29 ng Hulyo, sa Taon  
ng Ating Panginon, dalawang libo at  
dalawampung't dalawa, at ng Estado ng  
Illinois dalawang daan at pang-apat.*

KALIHIM NG ESTADO

GOBERNADOR